

國
朝
文
錄

國朝文錄序

自古文章之道著作難而選輯尤難古人情性各有
而進焉成一家言均足自傳於後世選輯者聚古人
六代之樂而審之也具山海之珍而調之也苟識不精執已則失
之隘博愛則失之濫隘與濫交相譏學者將奚從以求其是哉江
右李邁堂孝廉嘗患此而毅然以選輯自命曩選金元明十家古
文固足以方駕茅氏矣既又以爲文章視世運爲盛衰
國朝自定鼎以來

聖

聖相承重熙累洽英賢鬱興作者已數倍往代夫門徑多而道或
岐別裁真而學自正爰自魏冰叔方望溪諸大家外擇其卓然可
傳者彙之凡四十家首熊鍾陵迄陳惕園論其醇疵而各爲之序
余觀其指雖不名一轍而折衷義法各取其長信無隘與濫之弊
矣夫前代之文屢經論定選輯者猶有所據依若先後不過百年
間則毀譽愛憎尙無定論邁堂獨能出己意定去取可不謂難之
難者與江右人才輩出其詩與文之湮沒無傳不得公諸藝林者
頗多曾賓谷前輩嘗有詩徵之役而未及於文邁堂將繼起而蒐
輯之誠善舉也顧賓谷先生敎歷中外題襟館人才又極一時之

盛其事較易邁堂則一趨課士卽欲求二三同志且不可得哀集之難有十倍於賓谷先生者然又安知不有大力者起而襄厥成耶惜余以差竣復

命不獲親見其書之成與斯編並爲之序焉是則余之所惓惓莫釋者爾

道光十七年丁酉仲秋月江西督學使者錢塘許乃普撰

國朝文錄序

古人牖啓後人後人論定古人兩相須實兩相成也孔子序列古之仁聖賢人而其名益彰太史公作儒林列傳而漢學以昌梁昭明有文選而文體大備唐宋以來以文取士士伸於知已詘於不知已顧衡文與選文不同衡文者第就其一日之短長而定之選文者必就其一生之短長而定之難易固殊且衡文有定額容有遺也選文無定額烏可遺乎此適堂孝廉所以選

國朝六家文之外而復廣爲文錄也夫其選魏汪朱李方樞爲六家者以其文工而且富其部帙可分可合蓋倣茅鹿門唐宋八大

家之例也其雜集諸家爲文錄者蓋倣黃梨洲文海之例也顧茅
選八家遺習之可之而人且議其後黃選文海則前明家數不另
出手眼爲之序列其於殿最錙銖亦爲未盡且夫文有醇有疵學
有全有偏不辨其精不能取錄不觀其大不能定家數邁堂乃乘
而爲之其毫髮無遺憾哉難者曰邁堂尙有金元明十家文選矣
三朝文人不止此數何以略於前而獨詳於今日是選也所以闢
世人北宋以後無文之妄論也故必取卓然成家者以示之若文
錄之用心亦非於今人有阿好也夫文人靈鍾乎天地習成乎風
氣基厚則茂經正則興金源偏安元輕儒術明自中葉而下怠於

聽政

本朝則興圖之廣教化之行超出前代而又

聖

聖相承宵衣旰食無逸作所孚於天下民無懈氣士皆勤學人文所由特盛也是治運之精神萃焉非文人所自能爲也故選文遠及前代者傳其文之統也錄文富於

國朝者彰其化之成也余壯歲宦遊好結交當世文人二十年來大江以南所心折者六七人具文皆有宗有趣可傳於後惟邁堂體例存者弗錄而所錄已近四十家矣今且版行已後續增將不

可勝數猗歟盛哉

道光十八年仲秋月瑞州府知府海鹽朱錦琮謹序

國朝文錄自序

予選金元明八家古文竟復遵 雲汀師意取我

朝文集之行於世者次第讀之得其卓然可傳者約數十家而一代文章源流升降之故亦略可窺焉順治朝能古文者首推熊鍾陵先生其他則故老遺民不肯見用於時遂壹意讀書作文思以空言垂世其大者指畫確鑿議論證據古今既非老生常談亦無文士結習若魏冰叔顧亭林黃梨洲陳石莊彭躬庵其最著者也次如侯朝宗王于一傳平叔賀子翼輩旨遠詞文耐人尋繹讀之如亢霄鶴唳三峽猿啼韓子所謂物不得其平則鳴者誠有味乎

其言之也康熙朝

聖主當陽賢臣交贊天下平定人心安和一時元老鉅公如張京江陳午亭李厚庵湯潛庵諸先生以其正學發爲昌言俊偉光明非明代楊東里李西涯所能及其他館閣之秀如汪鈍翁施愚山朱竹垞姜西溟又分道揚鑣直接歸唐之統彬彬乎如唐之元和宋之慶歷王阮亭宋牧仲以詩名文亦不俗毛西河雖不合格而氣盛言宜邵子湘敘事特佳黎媿曾議論最勝其餘如鄭靜庵金會公輩佳者尙多故讀康熙一朝之文如張樂洞庭之野入音競奏六律均調山水爭鳴魚龍竝嘯雖有坐部立部之伎亦瑟縮無

以容身洋洋乎

盛世之元音矣雍正以後及乾隆之初

累治重熙人才輩出如望溪之峻潔李穆堂之沈雄蔡聞之之嚴
正陳星齋之高秀卓乎尚已而全謝山以淹貫之才表揚忠烈碑
版璀璨與元遺山爭長藍鹿洲以經濟爲文確乎可見諸行事亦
近代所未有者也高安朱文端興縣孫文定不以文名而文皆醇
茂蓋人品高者文自勝焉中葉以後學術多歧文體亦因之猥雜
博古者以徵實見長意盡言中有書卷而無情緒師心者以標新
自別音在弦外有神致而無體裁蓋談經既非薄程朱論文亦藐

視唐宋朱梅崖摹倣古人弊如明之王李而任意放言如袁子才者尤不足道然而二三老輩好學深思如黃靜山彭樂齋劉海峯姚姬傳趙鹿泉彭允恭魯絜非蔣心餘李厚岡者尙在在不乏淹博如錢竹汀詹事紀曉嵐尙書行文仍清氣盤旋恪守古法不愧一代之宗工馮嘉慶朝駢體盛行古文予不多見所見者惟陶荛江先生文存不多而迥絕流輩謝薌泉陳惕園劉寄庵王鐵夫諸集亦不失古文正軌而惲子居於簿書鞅掌中高自期許嚴加繩削彌爲難能而可貴焉昔梨洲先生之輯明文彙也謂有明一代作者不如唐之韓杜宋之歐蘇元之姚虞而所選之文則過於唐

之文粹宋之文鑑元之文類良由不名一轍惟視其一往情深者而摭摭之蓋情之至者其文未有不至者也予竅啓寡聞所學不及前賢之什一祇以平生雅尚篤在於斯遂敢分別甄綜忘其力之不足然亦不名一轍反復數過務取諸家之長故有明道之文而近膚者不錄有論事之文而大橫者不錄有紀功述德之文而過諛者不錄有言情寫景之文而涉浮者不錄聚而誦之如接諸老先生於一堂之上而親聞其言論風旨也又如習與之處久從之遊并其心術之隱微性情之欵曲境地之順逆興象之蒼茫無不了了而如見歷歷而可思也快哉快哉亦足以樂而忘老矣所

錄人各一卷二卷至三卷而止有非三卷所能盡者則另爲部帙
爲國朝六家而不滿一卷者又將博覽廣收都爲一集茲第序
其錄之已成者四十家他有所遺亦將次第收入尙望大雅君子
匡其不逮如肯以書借讀雖百朋之錫何以加焉上高李祖陶撰

國朝文錄總目

順治朝

熊伯龍字次侯湖北漢陽人順治六年進士及

史院學士著有熊學士文集今錄其文爲一卷

顧炎武一名絳字寧人號亭林江南崑山人著有亭林文集
今錄其文爲二卷

陳宏緒字士業江西新建人著有石莊鴻梅寒厓恆山堂教
宿堂等集今錄其文爲三卷

黃宗羲字大冲號梨洲浙江餘姚人著有南雷文約今錄其

文爲三卷

侯方域字朝宗河南商邱人著有壯悔堂文集今錄其文爲二卷

彭士望字

號躬庵江西南昌人著有恥躬堂文集今錄

其文爲二卷

王猷定字于一號軫石江西南昌人著有四照堂文集今錄其文爲二卷

傅占衡字平叔江西臨川人著有湘帆堂集今錄其文爲一

卷

賀貽孫字子翼江西永新人著有水田居文集今錄其文爲

二卷

康熙朝

湯斌字孔伯璈潛庵河南睢州人順治九年進士康熙十

八年召試博學鴻詞官至工部尚書諡文正有張子遺書

今錄其文爲二卷

施閏章字尚白號愚山江南宣城人順治六年進士康熙十

八年召試鴻博官翰林院侍講著有學餘堂文集今錄其

文爲二卷

陳廷敬字子端號說巖山西澤州人順治十五年進士官至
大學士諡文貞著有午亭文編今錄其文爲三卷

張玉書字素存江南丹徒人順治十八年進士官至大學士
諡文貞著有張文貞公文集今錄其文爲二卷

王士正字貽上號阮亭山東新城人順治十五年進士官至
刑部尙書諡文簡著有帶經堂集今錄其文爲二卷

鄭日奎字次公江西貴溪人順治十六年進士著有靜庵先生
集今錄其文爲一卷

李光地字林卿號厚庵福建安溪人康熙九年進士官至大

學士謚文貞著有榕村全集今錄其文爲二卷

宋 犖字牧仲號漫堂河南商邱人起家任子官至吏部尙書著有西陂類彙今錄其文爲一卷

姜宸英字西溟號湛園浙江慈谿人康熙三十八年進士及第官編修著有湛園未定彙今錄其文爲三卷

金德嘉字會公號豫齋湖北廣濟人康熙二十一年會試第一官翰林院侍讀著有居業齋文集今錄其文爲一卷

邵長蘅字子湘號青門江南武進人著有青門旅彙籠彙贍彙今錄其文爲三卷

雍正乾隆朝

朱 軾字若瞻號可亭江西高安人康熙三十三年進士官
至大學士諡文端著有文端公集今錄其文爲二卷

孫嘉淦字錫公山西興縣人康熙五十二年進士官至協辦
大學士諡文定著有文定公奏疏今錄其文爲二卷

蔡世遠字聞之號梁村福建漳浦人康熙四十八年進士官
至刑部侍郎諡文勤著有二希堂文集今錄其文爲二卷
全祖望字紹衣浙江鄞縣人乾隆元年進士著有鮚埼堂集
今錄其文爲四卷

陳兆崙字星齋浙江錢塘人雍正八年進士官至太僕寺卿
著有紫竹山房集今錄其文爲三卷

藍鼎元字玉霖號鹿洲福建漳浦人拔貢生官至廣州知府
著有鹿洲文集今錄其文爲二卷

彭端淑字樂齋四川丹稜人雍正十一年進士官至廣東肇
羅道著有白鶴堂集今錄其文爲一卷

黃永年字靜山江西廣昌人乾隆元年進士官常州知府著
有南莊類彙今錄其文爲二卷

劉大櫟字才甫號海峯江南桐城人貢生官教諭著有海峯

文鈔今錄其文爲二卷

錢大昕字曉徵號辛楣一號竹汀江蘇嘉定人乾隆十九年

進士官至少詹事著有潛研堂集今錄其文爲二卷

姚鼐字姬傳安徽桐縣人乾隆二十八年進士官禮部郎

中著有惜抱軒文集今錄其文爲二卷

紀昀字曉嵐號石雲直隸獻縣人乾隆十九年進士官至

協辦大學士謚文達著有紀文達公文集今錄其文爲二

卷

趙佑字啓人號鹿泉浙江仁和人乾隆十七年進士官

至戶部尚書著有清獻堂文集今錄其文爲二卷

蔣士銓字心餘號茗生江西鉛山人乾隆二十二年進士官

翰林院編修著有忠雅堂文集今錄其文爲二卷

彭紹升字允初江蘇長洲人乾隆二十二年進士著有二林

居文集今錄其文爲二卷

李榮陞字奠基江西萬載人乾隆進士官雲南知縣著

有厚岡文集今錄其文爲三卷

嘉慶朝

陶必銓字士升湖南安化人貢生著有奠江古文存今錄其

文爲一卷

劉大紳字

號寄庵雲南寧州人乾隆四十五年進士官

山東知縣著有寄庵文集今錄其文爲二卷

謝振定字

號蕪泉湖南湘鄉人乾隆四十五年進士官

御史著有知恥齋文集今錄其文爲一卷

陳庚煥字

號惕園福建長樂人貢生著有惕園存彙今

錄其文爲二卷

以上共四十家文共八十有二卷爲文錄初編此外如寧都之魏叔子禧長洲汪堯峯琬秀水朱竹垞彝尊桐城方

望溪苞臨川李穆堂絳陽湖惲子居敬以其集中之文採
取不止三卷另編爲六家將卽板行而文錄續編亦卽出

熊學士毅貽堂藝文錄引

學士字次侯號鍾陵以其爲江西進賢人也以時文卷三雅健至今與劉黃岡竝稱然未有知其能爲古文者卷五王霞九同年學幕頗好採訪楚中先賢文集於是熊襄愍賀文忠暨金正希劉克猷金會公諸先生文俱得見文忠集爲學使校定付梓襄愍集有志未逮正希與克猷文皆不合格會公文意格俱佳精神迸露然學使僅得一部予無有惟學士有後裔秉鐸宜其旣以此集上督學使者予復從轉乞一部集分上中下三卷上卷爲詩予未及閱中下二卷爲文自代言序記以至祭文論傳書啓

策論題跋條約無不具亦無不工大畧刊落駁雜一歸純雅其理
取諸六籍其法本諸八家腴而不浮深而不鑿簡而不峭長而不
冗渾渾灑灑魚龍百變而一以靜穆之氣御之故不獨時文冠一
代卽古文亦置諸陳午亭張素存之間無愧色也至於制藝之序
厯厯以甘苦示人深入無垠曠然無際則又爲諸家所不及矣中
州李芳廣跋歸本於澹泊寧靜精神專一之所致知言哉上高李

祖陶

熊學士文集錄

撰 嘉諭琉球國詔

漕運議

賀張西曜督楚奏績榮膺龍賚序代

文體明辯序

蕭長源奏議序代

李雲田紀年稿序

同聲大社二集序

唐采臣近義序

孫業臣制藝序

吳準平近菀序

施愚山宦藻序

文昌祠記

鍾南山祠記

陳節婦傳

帝王以天下爲一家論

題江夏孫何知一家殉難狀

熊學士文集錄

漢陽熊伯龍鍾陵著

後學上高李祖陶欽之評點

高安吳作霖潤菴校刊

○擬 嘉論琉球國詔

詔曰朕以渺躬爲神人主敬天恤民猶恐失墜若勤思遠舉爭功於萬里之外是德澤未加而臣其人政教未及而享其贄也朕甚恥之咨爾琉球僻處海表風馬牛不相及也願能束身內附比諸天子之吏朕始願殆不及此大元受命百年所不能致者惟爾一方豈朕之德實邁前王歟何慕義之深也昔者周道休明越裳氏

重譯來朝。後世美周之能服遠人。而亦未嘗不稱越裳氏之識天命也。朕不敢知曰中國有聖人。若爾之舉。問異日豈出越裳氏下哉。嗟乎。普天之下。生民之欲。莫不同也。凡朕所爲愛養元元者。爾使臣而旣聞之矣。爾能事上。必能使下。尚其釋思。朕意修爾政事。質爾人民。以長有爾眾。朕則嘉爾。若夫土物之產。航海而來。徒煩苦爾父老。爲也。朕無所愛。

立言有體。面面俱圓。此等代言。在唐宋諸大家集中。亦不多見。

漕運議

吏議憂漕。愚以爲無憂也。夫漕之易。未有如今日者也。會通一道。明興由之不廢。以迄於今。旣無煩議。膠議泐議。海之紛紛。而古者陸運轉運之法。久已不設。所議者惟長運。又天下一家。萑苻雖時。時竊發。無敢阻兵扼咽喉者。而又用法嚴。無姑息。東南之人。雖力竭。不敢告勞。凡所逋欠。無一粒。留民間者。蓋其易如此。然而漕運卒苦難者何也。曰漕之難。在官不以利。自予之難。在官以利。予人之難也。今夫官之重者。莫如總漕。巡漕。此皆所簡廉勤大吏。萬不敢疑其私。而大吏所任。府吏胥徒。至不可計。率以官旗爲弱食。如

虎狼然而此官旗者非能天雨而鬼輸也勢不得不鬻正額以緩須臾之急此雖且且而刀鋸之未有能止者也昔人知其然而予之以利以通其情凡糧船之載聽其多留餘地以帶私貨譏而不征往返之間獲息數倍凡官旗沿途無名之費沛然有餘既不苦於賠累而京師亦得以集東南難致之物蓋猶有平準之遺焉如是而懸一令曰有姦人竊鬻正額升斗者罪至死其誰怨之今者糧米之外一切指爲犯禁謂之革弊實以棄利而於吏之胥人而食者坐視其百孔千瘡而莫爲之制不亦不思之甚者哉故曰官不以利自予之難官以利予人之難也爲今之計既當先時而圖

○兩○者○並○重○其○後○○撈○劫○○怒○公○為○禮○督○其○能○尤○○此○○斷○○言○
以長保此江淮衣帶之水。又當悉心而畫。以恤此蓬蹠憔悴之軍。
而尤有難言者。今之自關外徙內地者。皆得占田自養。比諸口分。
世業矣。一旦以荒蕪告。輒命治粟內史。視所占田數。仍以米給之。
千艘之來抵岸而空。自此以往。雖雲帆如織。秔稻如山。其能為歲。
月支哉。且夫以漕為惰農役也。不可也。如是而憂漕。誠足憂矣。
此時漕弊如此。只許其裝帶私貨。便可補劑。今則沿途無名之。
費日增。且不獨沿途而害。併中於州縣矣。文極高簡。有法出他。
人手定逾千言。

○賀張西曜督楚奏績榮膺寵賚序代

皇上御極之二年。宮保張公以督楚滿三載。稽首報政。上曰。此予一人所藉以釋南顧憂者也。下所司考舊章。申懋賞。駢錫輝煌。楚人咸喜。是時澧水嚴司農。漢陽熊司成。適在籍。從其鄉吳司寇屬余一言爲公賀。蓋謂余少吏楚。能言楚事。因能言公也。夫楚何地也。控引數省。勢居上游。安危之幾。關乎天下。自勝國用兵。迄今三十餘年。虔劉剽掠。遺民無幾。而又雜以飛蝗流火。江湖漲溢之殃。古云始亂者必先治。驗之於楚。殆成虛語。所恃以去危卽安者。督撫兩重臣耳。公累葉鼎鐘。侍從密勿。以文武才受知。

世祖撫楚有年。簡昇今任峻其秩而不易其地。朝廷已知公習於楚矣。公則責愈大。心愈小。凜凜然奉 聖書所倚毗者。而次第布之如 禁旅之供億。將吏之激揚。兵民之劑調。滇黔之輸輓。詰緝姦叛。以杜城社之窺伺。招納土官。以靖苗獠之劫寇。以及復城垣。飭邊隘。集流亡。擒逋逃。於全楚之事。無所不當。問者皆收拾於積亂之餘。而煦吹以更生之氣。今日封疆所寄如公者。可謂獨難矣。乃蠡賊稽誅。適有西山之役。西山周袤數百里。秦蜀楚三面會師。然秦蜀祇遇其外。而楚自鄖房掩賊腹心。賊少以兵綴秦蜀。而全力抗楚。驟車束馬。曠日相持。公當其時。既慮賊之竄伏。出沒

而○不○常○又○慮○兵○之○久○役○疲○玩○而○或○潰○更○慮○民○之○饋○運○展○轉○而○莫○支○
於○是○嚴○控○扼○明○部○伍○量○遠○近○薄○芻○菱○兵○耑○其○守○民○習○其○勞○賊○平○有○
日○矣○。廟○議○以○兵○貴○拙○速○不○尚○巧○遲○奄○開○武○庫○亟○事○撲○滅○而○其○道○
又○從○楚○入○楚○人○益○擾○擾○相○驚○以○役○公○與○中○丞○劉○公○至○誠○惻○怛○朝○大○
夫○士○庶○而○訓○誠○之○俾○曉○然○知○軍○興○之○非○得○已○竭○力○以○赴○公○家○之○急○
而○又○陰○勅○郡○邑○兢兢○以○恤○民○困○爲○心○指○揮○調○度○夜○以○繼○日○荆○與○鄂○
舟○相○沿○也○看○與○墨○汗○相○浹○也○蓋○公○之○焦○心○勞○思○至○是○爲○極○而○公○之○
深○籌○密○畫○大○功○隱○德○亦○於○是○爲○多○若○此○者○非○難○之○又○難○者○乎○余○嘗○
謂○ 國家以神武肇基以深仁定亂其左右翊贊者多在巖疆宣

力之大臣。而楚爲最先。後指名如抑華羅公。繩武李公。並公而三。然羅公時。湖湘未定。一切得便宜從事。愛克易感。威克易懼。視今之束縛法令。陽施陰設者。易也。李公時。黔省初附。稍免杼柚之歎。故水災一疏。朝堂動色。加意軫恤。視今之大災大役。迭遭互濟者。亦易也。然則論楚事者。雖欲不推公爲開代偉人之冠。其可得哉。或謂余所稱述。特公在楚之功。名與其三年以內者耳。安足以盡公。嗟乎。任天下最難之地。與當天下最難之事。苟能涉。愿楮柱不爲摧折。已足表見生平矣。而况其處之如安枕。措之如弄丸。不震不茹。克有成效。則其於世。更何績之不著。何福之不同乎。然則

稱公而欲盡公亦莫如三年督楚之爲信而有徵也。已余素耻言
諛。惟本楚諸君子德公之實意而序之。未知足以測公萬一否也。
於時事獨難中又抽出西山一役以見其難之又難博古昌明
盡掃浮翳

○ 文體明辯序

文體明辯者、吳江徐魯菴公所嘗取常熟吳文恪公文章、辯體而增訂之、以行於世者也。辯體爲類五十、今明辯百有一、辯體外集爲類五、今明辯附錄二十有六、通八十四卷、蓋其詳哉。予讀之、歎曰、爲文其難如望海、若旣而曰爲文其易、如獲舟楫矣。蓋自進士之業滋甚、士不復知有古文矣。不知文而耻受命於先生長者、掇拾剽掠、率意爲之、雖有其詞、不合程度、譬之爲室、則敞而堂、則奧爲宮、則方而筐、則圓、不亦瀆亂無章之甚者哉。往文恪公亦慨然大正其失矣。而其書品類多闕、取舍失衷、或合兩類而爲一、或混

正變而未分有遺恨焉。徐公則異。是其爲書也。於體無所不該。括而一體之中。若者爲古。若者爲俗。若者爲正。若者爲變。若者爲變而不失其正。大義燦然如象緯之曲而布。此其所以不可廢也。公自云是書撰述始嘉靖三十三年甲寅春。迄隆慶四年庚午秋。凡十七年而後成。公之勤益若此。甚矣非獨立言者之難。卽如次而述之。亦所未易也。今之人雖或讀是書而未嘗鑒志於六藝之道。以求其至。猶之望水者舟楫已獲而手與器不相習。雖欲溯其波窮其源。不可得也。終亦謂之亡具而已矣。

簡而韻結補一意尤高

○ 蕭長源奏議序代

或問於余曰。進說於君而削草者。賢乎。曰。漢孔光嘗爲之矣。進說於君而削草者。非賢乎。曰。晉羊祜嘗爲之矣。夫光立於亂朝。以恭謹媚主。溫樹且譁。敢有諍名。祜心知三年之喪。雖貴遂服。不能自言。而屬傅氏子發之。度其時未必有危言激論。不可示人者。不削草。何傷乎。由此言之。削草而不失其爲光。而光初非以削草而不賢也。削草而不失其爲祜。而祜初非以削草而賢也。彼蓋有所大不得已焉耳。乃若生休明之世。冠法冠。正色對仗。與天子宰相相。可否如梅福。所謂忠言嘉謀。日聞於上。天下條貫。國家表裏。爛然

可睹是其職也。奈何隱情惜已。自同寒蟬。或至有意學古人以詭詞削草爲能事乎。且朝上書而夕報可者幸也。今日言而異日行者亦幸也。魏相條晁董之對亦特其書在耳。使如光與祐所爲。雖有英君察相。嘆不同時者。孰從而徵之哉。長源蕭公李順德有異政。受知於

世祖章皇帝。召爲監察御史。不辱於官。今

上皇帝念豐芑之貽。虛懷延納。每下諸王公卿議。所條奏初。是公者什三。中什五。最後什八。人皆羨公之遇。而不知致此固有道也。蓋救國之弊。如治身之疾。有本有標。先起居後藥物。此養生家治

本之常及乎標勢已成流毒傳變謂可舍七方十齊而起沈痾非
愚則誣矣故明神宗時部黨紛紜遺世務尙名高聲以切劘君德
相夸所指斥有敵以下不能堪者其君亦不屑戮辱以成豎子至
於災異盜賊兵戎屯牧國天民天之不可一日忘者皆以爲不足
言而聽其魚爛瓦解以底於亡豈非殷鑒歟今天下猶厯
堯憂耳四海九州之大保無形爲標病者大吏奏報左顧右盼比
及上聞什無二三賈生而在未必不長大息於此矣公起而累疏
論列舍虛取實舍細取大舍緩取急如以救火追亡請於主人求
有疑其生事者而且補救有方厝注有漸短言則得子高筆力之

是知此

明代風尚實

勁長言則無孔璋煩富之譏人卽善息亦安有聞動心之好語而
息之者哉此公所以久於其職而有言必信也同人取其奏議都
爲一集越之鏤版公不能辭其行者旣足以彰兩朝止輦從繩
○議○論○回○應○上○文○何○等○高○雅○之美其餘又足以待億萬年

聖子神孫之求語有之善解結者佩觿我國家之以公爲觿也
豈有量乎公幼負大志尊人萬興先生實教之忠生長食息不離
典訓之內誠有如韓退之所云者至今讀書邸舍池林簫管無所
徵逐盱衡捫虱無非天下大計蓋其意念深矣常有以自下者其
視數萬言猶一呖也世有因所已言而推見所未言者庶幾智足

以知公乎。余不敏，則焉能與于斯。

前言不削草之非，非中言標病之不可不治，皆具卓識，文亦暢所欲言。

李雲田紀年稿序

博浪一擊赤壁淝水兩戰其事則奇其人則英英三少年侯生老

文○情○天○外○飛○來○而○語○句○則○卓○如○山○立○

俠廉頗趙充國老將雖云持重吾猶以爲平乎爾人生才與年退

識與年進歷絕險發異觀匪才弗任三少年蓋及其才而用之雲

田紀年稿起丙子訖壬午凡七年文百餘首以時考之雲田殆三

少年若哉才安得不厲業安得不工海內操觚家驚不過政智不

一○元○字○

過瞞衆不過底安得不踵足而立嘗爲雲田計之七年間試于棘

此○段○竟○以○義○局○

者三試督學者五矣今之將試者昧其目勿納奇字膏其手使僂

緘其口如對村姬野老語大試先五六月而然小試殺之如是則

已○士○不○務○修○身○立○言○徒○欲○如○古○人○以○靜○坐○七○十○年○當○百○四○十○其○亦○
無○聊○矣○乎○雲○田○少○予○二○歲○予○自○丙○子○迄○今○何○所○聞○何○所○見○當○同○大○
耳○兒○捫○肉○一○哭○敢○望○三○少○年○哉○

奇警到底無一筆在人腕下。○不過從紀年二字生出話頭而
勁弩短兵節節不懈望之何異票姚之騎岳家之軍在集中爲
另一格

同聲大社二集序

社非古也。先生比黨族鄰之法不設。而詩書之教獨領于學宮。又
溺其職。於是儒者各以其所學相師。合其父兄長老所與同溝遂
川涂之人。而考道問業。歡然無間。有社之名。蓋猶古人之所許也。
及其流。失術陋心。雜耳目。非便于相接之親。志意非發于時觀之
素。拜未登堂。身先許死。屬有鄉曲之譽。銖兩之利。構鬪其間。則張
陳之頭顱。可按兵而索。是故入聲名人物最盛之邦。而其士君子
孝友睦婣任恤之意。反蕩然無復存者。其禍未嘗不始于文章門
戶。社之爲當世大禁。當事者豈獨以文體爲憂哉。予過金陵。聞同

聲大社噪甚。心竊異之。私詢何子次德。乃知皆龍眠名宿。進而待
側于坦庵。方公尤詳其本末。蓋桐城舊有潛園社。肇自方樓岡。姚
龍懷兩姓昆弟及張濟之。陳二如。胡子兌。吳炎。牧諸子耳。已而擴
爲白門社。則益以左子夏。昆弟。今又合何次德。吳于廷。孫振公。昂
弟及社中之子弟。而顏爲同聲。是所謂同溝遂川涂。而耳目相親。
志意相觀之人矣。然猶審擇有年。結納有漸。其慎如此。諸子固不
苟而同者也。夫不苟而同者。必不苟而異。以性命而合者。必不以
意氣而離。故其發爲文詞。亦皆專一深靜。以求其至。而非疲苦于
四海九州之間。遺淫佚于飲食宴樂之豪華。而以篇章爲餘事者。

此會業之所以一作再作久于其道而不厭與予因是而有感于
潛園之義矣龍之眠也有潛德焉龍潛則無悔學潛則無悶言滿
天下而退然若愚交滿天下而介然若獨聲華淡故比昵絕比昵
絕故攻擊忘是之謂不同是之謂大同大哉潛乎異日任天下事
且在龍眠諸子矣而奚有于社事之不悖乎古云爾哉
首段痛哉乎言之中後暢同字之義尤爲入骨

唐采臣近義序

予年友震坤子於堂之東偏手一編而哦。予披帷入曰：此何書也。曰：吾家采臣無他嗜好，獨爲制義懃懃踰諸生。今又得若干首，予讀之，何其似古文也。予竟讀喟然曰：古文哉！似之云乎？制義一道，道不足而強言者，妄也。名已成而自敗者，苟也。苟與妄，其弊皆原于多欲。成童就傅，如賈求售，脂膏胃脯，咸思鼎食，饒倖一獲，勃然而喜，宴樂恣睢，其心豈復有所不足哉？無已則又謂干祿之業，不足傳。驕語壯夫以蓋藏之，夫儒者口代賢聖，戒叛戒雜，股比約束。○空○游○變○自○然○入○古○字句滌蕩，旣不若策論贊頌箴解銘說諸類之可以班駁拙與。

肆詭譎自放其辭而又欲橫從含負曲折變貫新光靈物屈服羣
才今古文孰從定其難易乎昌黎原毀諸篇實爲制義所自出特
當世無其體耳非薄今文而不爲也震澤于唐宋大家火傳燈續
故爲經生言醇深有本鹿門所傳諸藝皆出于白華樓集成之後
以此知爲制義而期成進士則已苟求其至未有不能爲古文而
爲之亦未有不窮達生死于其中而爲之而傳者也自壬午以來
海內辦香北面于采臣之文者十五年矣又曹於大司農權於秦
治粟於京畿其勢皆可以妨害於文顧獨澹然肆志積歲月以從
事于此根極理要不欺絲髮自然靈氣惚恍而來如攬化人之祛

而御舍光之劍經營將迎不知所自豈非無欲而深思者之效歟
戊子己丑間瀨水相亟推予嘗云子必元但與采臣修遠角則未
知誰手鹿耳是年予危得元而失之采臣後三年第亦不元修遠
至今拓落其言皆不驗然足以見采臣之爲予畏也久矣予將欲
懸車文苑而采臣且脂其車書此以警怠焉

推尊制藝之難于古文之上而欲人窮達生死于其中而爲之
非箇中人不能爲此言非箇中人亦不能信此言

○ ○ 孫 棐 臣 制 藝 序

吾楚三十年前。漢黃兩郡。爲文章詩歌訟獄之地。黃岡王子雲守其孟旋子卿之師說。討論人文。不欺尺寸。溯江而上。必就予。與子言。必稱棐。臣木欣予三人實未相見。而子雲雖誦姓字。則如晨夕間三人也。旣定交。感子雲知己之言。相得無間。今予附木。欣通籍。且十年。棐臣求一試北闕。齟齬不可得。補公安司訓。以歸。洪念。王孚伯二子。忘已之售。而弔棐臣。予語之曰。子疑子雲子期。此三人者。得失半乎。夫文之近人情。而蚤有譽者。非其至者也。予于望人之道未聞。一知半解。而于先正制義之能貫道者。則不啻米脯。

鹽醬童而旨之世不乏好予文者子自以為學無根本汲清冷于
何○是○以○知○之○江流海畔而不及尋河源之混濁淪漪斐然元氣浸薄嘗憾不獲
○予○為○公○車○所○困○而○遂○廢○時○文○不○事○也○之○為○夫○矣○如熙甫先生老困公車醞釀結轡待其皆醇而遂名于世此大不
幸也木欣沉潛學道言有物矣而其為制義研句練篇就班按部
卽以羽翼聖賢亦不震驚流俗其醇也可以免于予之憾而其遇
也亦不致為見愛者所痛裴臣為文則祖六經禰四子章句之學
與身心性命之學同條共貫而忘乎其為制義其大者牢籠天地
而不知其非寥廓也其精者剔磨今古而不知其非穿鑿也其正
者砥柱江河而不知其非膠固也其趨彌高其傳彌遠而其見光

于○天○下○也○彌○遲○譬○之○兵○然○子○野○戰○趨○利○之○兵○也○木○欣○刁○斗○金○鼓○之○
兵○也○裴○臣○則○古○出○車○列○陣○之○法○殺○人○有○禮○者○也○嗚○呼○難○為○不○知○者○
言○矣○夫○古○之○君○子○修○身○立○言○而○已○不○風○則○暮○者○遇○也○公○安○文○史○之○
區○其○間○必○有○首○排○俗○學○如○三○袁○兄○弟○之○為○風○會○倡○者○初○裴○臣○之○教○
以○文○章○明○道○術○則○有○泰○山○弟○子○事○其○先○明○復○之○禮○在○焉○是○行○也○不○
當○易○其○弔○者○而○賀○之○乎○二○子○豁○然○喜○謂○余○言○為○當○也○爰○次○而○書○之○
裴○臣○制○藝○之○首○俾○異○日○有○所○徵○云○

醇古淵懿字字沁人肝腸焚香靜對我欲鑄金事之○先生于
時文至矣且自謂學無根本汲清冷而遺混濁世之輕易言時

文者其罪過當何如也

○吳準平近藝序

吳子準平甲午以前之文。欽欽幽渺。類子家之精者。世既豔稱之矣。今復出其近義問世。則若夷渾融。若不屑爲句比字櫛。然者或疑之曰。準平何今昔異乎。予曰。無異也。昔人之論漸老漸熟。乃歸平澹。則其初未有不出入百家。纂言鈞元。沈浸醲郁。含英咀華者也。俗學以單疏爲平澹。繆種傳染。心理體用。略能上口。輒速化以去。反不如二十年前。點鬼祭獺。盡氣博微。尙覺有所用心。進身之言。苟且鄙俚如此。議者至欲舉制義而弁髦之。我輩亦何所恃以閼執其口乎。準平嚮者之作。旣嘗鑿心鏤腸。翼翼去陳。其獨至之

性偏詣之才。鬱塞險仄。如雷風相薄。而一旦渙然以解。文從字順。則如雨施雲斂。神功若無。此文家火候之自然也。山水之始。必有崑崙龍門。而後流行。而爲東南之澄江秀嶂。文章之始。必有周秦兩漢。而後洋溢。而爲唐宋以來之大家。蓋立基于厚。猶恐其薄。立基于薄。何以復厚。準平有前日之嶽嶽幽眇。而後有今日之宕夷渾融。亦若是焉已矣。予旣釋或者之疑。而因書其語于集首。使人知由準平前日之文。以求今日之文。則庶免于俗學單疎之病也。夫。

竇講出前後所以不同之故意。度波瀾並皆入古。

施愚山宦藁序

予外腴中羸。不耐從長者遊。亦無由致畏者。几席雖具。棲塵而已。童子報客至。無刺辭以故弗聽。入座吳語心異之。今時誰當過予。且渴欲覩者。束帶出得一愚山子。喜過望。且怡顏出近文以示噫。固知非素心人不我卽也。自是聞叩門聲。知必愚山。知必以文來。不數過。奄有愚山之文矣。愚山之言曰。吾束髮希作者。志不在小。今不幸早爲天下科舉之士所好。懼其中猶有與俗交者存也。將欲窮波尋源。繼膏駐餽。俾吾所爲載道之器者。厚重勿壞。蓋雖無所豔稱。吾邑先正未肯染指。而獨篤信子。以故勤就子。不自知足。

之前也。予於是歎。今人不深惟古人以制義取士之心。一著進賢
冠。呵八股爲謀兒書。夫進身之業而可忘。孰不可忘。愚山匪徒不
忍遐棄。比于遺簪故劍。而且礮諸錯諸朝。斯夕斯下。交一枯槁簡
仇如予者。往復晰難。不以爲辱。蓋神全乎文矣。神全則無乎不入
也。其聖于文。奚怪焉。會山東督學使者當代推擇五部之英。而報
愚山可予。乃開顏一笑曰。用人如此。可以賀矣。因念予成進士後
猶受修于堂邑張司空。邸舍燈火。彌年齊魯。布衣謬有賢。予仕不
廢業者。使聞愚山之風。予知其猶有感也。序其文以告之。

含毫邈然讀此。并先生之性情亦見。

文昌祠記

或問于予曰文昌祠祀梓潼帝君所在皆有。其義何居。曰非吾所知也。考天官書斗魁戴匡六星曰文昌宮。爲上將次將貴相司命司中司祿。而世俗傳會以梓潼君當之。其說愈傳愈謬。蜀人謂張亞子戰沒成神。有功于唐。以擬上將次將。化書謂神世業儒。帝使主仕籍。又在周爲張仲。以擬貴相司祿。或又以神故張星爲張氏子。挾彈射諸不祥。使人宜子。以擬司命司中。京山李本寧先生旣嘗詳言其妄。而又從而爲之辭。亦以事爲物情所素安者。君子姑順其愚下之性。而不必力與之爭。蓋其慎如此。予則以爲文昌之

祭由來者久推明其正者而不正者可不辯而絀也周禮大宗伯以樵燎祀司中司命若祭天之司民司祿而獻民數穀數則天府受而藏之鄭康成註司中司命文昌第五第四星司民軒轅角司祿文昌第六星宋人兆司中司命司祿于南郊祠以立秋後亥日以司民從三星之位則是文昌諸星古未嘗無祭也明洪武初亦祀四星尋罷然考其祝文于司祿則曰神其奉天之道俾年穀豐登生人咸遂視所稱賞功進士者又何不侔也夫人所奔走乎文昌者司祿一星耳祝文以年穀爲祿祀之者不異于春祈秋報之常世俗以貴仕爲祿祀之者遂流爲媚與媚竈之恥義利之相去

也○遠○矣○嗟○乎○拜○爵○公○朝○謝○恩○私○室○士○大○夫○自○好○者○猶○將○旣○焉○而○謂○
赫○赫○列○星○司○賞○功○進○士○之○責○者○惟○是○酒○醴○牲○脔○可○以○得○志○也○將○誰○
欺○乎○稽○古○禮○文○者○正○文○昌○爲○列○星○之○祭○而○永○杜○一○切○不○經○之○說○其○
斯○之○謂○敬○鬼○神○也○已○然○則○宋○公○之○爲○此○祠○亦○猶○聞○予○之○說○乎○曰○此○
又○非○恆○情○所○易○測○識○矣○夫○皇○皇○然○禱○祀○而○求○而○以○祿○之○不○得○爲○已○
憂○者○細○人○之○行○也○皇○皇○然○推○賢○進○士○而○以○民○之○無○祿○爲○已○憂○者○公○
卿○大○夫○之○行○也○方○今○吏○道○益○廣○人○才○益○出○詔○祿○之○典○不○得○不○寓○疏○
通○于○嚴○謹○而○驥○首○皇○路○者○概○深○覆○篑○悲○同○棄○井○精○華○果○銳○之○氣○亦○
或○稍○傷○此○非○可○家○喻○而○戶○曉○也○公○爲○政○之○餘○旣○嘗○戒○屬○屬○徒○振○興○

庠序爲逢掖所宗嚮。又復有秘宇靈宅。寶像珍龕。爲之請命于賞。功進士者之神。楚人士于是知旬宣大吏。祈天右文之意。如此其厚。精誠注射。雲漢昭回。必有作人之大澤。應之。雖當火飛水溢。流離瑣尾之後。而不言祿者有所恃。以自安。是蓋世道無窮之幸焉。如是則祭之未有以義起之。猶不爲諂也。而况有其舉之莫之或廢。如此祠也哉。會公以書來屬予文爲記。因次其語以歸之。旣以解世俗之惑。而又推見我公之隱。非故設爲兩端之祠也。公爵里名氏詳見觀音閣記。此與鍾南山祠碑俱不復載。

前段駁正後段傅合作此邇者類應如此

鍾南山祠記

大叅宋公蒞楚之三年百廢具舉如觀音閣文昌祠皆以次修建。至所作鍾南山祠則前此未之有也。公爲予言疇昔之夜有神降庭請祠于予。蓋卽世所圖鍾馗者。予許之。復申囑再三成禮而退。自今思之猶不以爲夢也。竊念冥冥中已有成言何忍負之。此祠所以作也。噫異矣。按昔人所傳唐明皇晝夢有鬼監袍曰臣終南山進士鍾馗除天下虛耗之孽。因命吳道子圖之。賜二府。夫天下之患孰大乎虛耗。誠如馗言。比諸捍患禦災得秩祀典固非僭越。不應至今日而請于公也。豈當時以爲恍惚不可知之事。圖其形

而未與于祭耶抑其世已遠其事已細當時亦嘗得祀而紀載未
之及耶噫異矣乃予竊有說以處此凡幽明相感不論久近亦似
有時節因緣焉以楚事言之此真南山君之時也方今化被無窮
萬寶煥發開元之盛方斯蔑矣獨天下弔楚由崇禎癸酉以迄于
今秦寇爲原西山爲委先後流毒三十餘年不得休息而旱蝗水
火之灾若爲之助虐焉生民以來虛耗之禍未有甚于此時者也
虛耗之甚者莫如楚南山君亦式靈于楚憂楚之虛耗之甚者莫
如公南山君亦憑依于公天人交應自然之理又何疑焉雖然爲
國耗府庫爲諸臣耗心力爲百姓耗膏血者賊也府庫耗而我

轉尤崇

乃倉箱心力耗而我乃廣胖膏血耗而我乃肥甘者所謂孽也賊
自外生勢在山林惟師武臣力以勸撫制之而有餘孽自內作勢
在城社非拔木塞源雖干戈取之而不足南山君之請祠也蓋將
爰居爰處安意肆志以搜剔此孽俾無族類焉其不欲如世之摘
發奸伏爲職者懷危內顧延頸受代以根株貽後人也亦明矣公
何惜此半畝之宮不以成南山君之美乎抑予尤有感者事至于
夢亦幻矣土木之興于今日亦難矣他人所爲囊金積帛郵傳拜
除者公盡斥之于馮馮登登以妥此千百年而上不可究詰之人
蓋不以冥冥食言如此彼君臣之義朋友之信如日月江河昭然

在耳目間者公其肯一日已于懷也耶予以是窺公之慷慨誠篤有以任夫遠且大者而書其事以徵于異日焉公爵里名氏詳見觀音閣記茲不載

此祠本不經而託之于夢尤幻幾疑難以措詞文妙在拈出除虛耗之孽一層關合時事鑿鑿指出所以當祠于楚之故言厲詞危亦可云言之無罪聞之足以戒者矣

○ 陳節婦傳

節婦秦氏束姑福之長樂人秦翁故大俠一見里中陳生一文心異之遂以節婦屈身爲側室嫡石持之嚴衣食操作與羣婢埒節婦無後言有子二長濟生七歲次騶生七閱月文試蹶失志病革欬枕櫬默向節婦節婦嚙斷中指誓必死石見之猶盛氣詰指血狀詭辭乃免文易箆呼節婦明示立孤大義節婦毅然任其事自此奉姑如母奉嫡如姑有加于文在時嫡頗益憐愛之姑與嫡之喪取辦十指舅亦至是始葬庀物秩秩莫知其貧也石有二女悉索皮囊節婦傾倒如棄涕唾及以藏書請則曰吾夫心血縷縷在

國朝文獻
三

焉。不。忍。割。也。無。已。則。斥。繒。帛。以。厭。之。泚。昭。卒。用。是。涉。獵。等。身。稱。博。
物。君。子。焉。一。日。受。侮。鄰。媼。拊。心。而。慟。泚。自。塾。歸。長。跪。問。故。節。婦。終。
不。言。泚。自。念。羸。者。孤。童。欲。何。所。為。亦。不。復。問。母。子。焚。然。立。杵。臼。間。
涕。泣。不。能。相。視。泚。每。道。此。尤。悲。也。祭。田。數。畝。狂。暴。來。侵。節。婦。引。義。
厲。責。愧。悔。棄。去。其。剛。強。持。門。戶。又。如。此。泚。驅。娶。婦。皆。有。子。朝。夕。受。
教。絕。口。不。及。生。產。自。謂。嚙。指。時。不。復。料。有。今。日。然。其。地。時。糴。兵。燹。
轉。徙。不。常。無。足。博。節。婦。一。日。歎。者。甫。六。十。而。歿。嗚。呼。節。婦。以。未。亡。
人。大。有。造。于。陳。三。十。有。三。年。如。操。舟。遇。風。舟。中。人。僅。而。登。岸。而。操。
舟。者。沒。焉。可。傷。也。已。
此。情。此。景。宛。然。亦。有。此。聲。不。地。

史○官○曰○妻○之○子○夫○有○臣○道○焉○妾○臣○也○微○也○方○陳○生○以○二○孤○遺○節○婦○
譬○諸○君○薨○世○子○幼○陪○臣○執○國○政○亦○孰○有○與○之○者○哉○使○江○沱○之○嫡○不○
悔○於○終○二○女○勃○發○其○間○節○婦○爲○妾○爲○母○之○道○亦○或○有○幾○微○憾○矣○乃○
履○順○散○財○中○外○底○豫○卒○能○有○所○成○立○古○之○植○委○裘○而○不○亂○者○何○以○
加○之○哉○太○史○公○論○妃○匹○之○際○以○爲○人○能○宏○道○無○如○命○何○若○節○婦○所○
謂○盡○性○以○至○于○命○者○非○耶○

文律謹嚴序議俱佳中間癸癸立杼白間一節寫出孤兒寡婦
之難予讀之淚泫泫下

帝王以天下爲一家論

人君之所以履天地而無疚者。在使量有餘于勢。而不使勢有餘于量也。有身者謂之士。庶人有家者謂之大夫。有國者謂之諸侯。有天下者謂之天子。夫勢至于天子。天下何者之非爲吾有。而恆見天下之無一足爲我有者。非勢不足以居之。而量不足以居之也。善爲天下者。念天下既爲吾有。而不漏字注一天下于吾心。亦念天下既爲吾有。而不著一天下于吾心。夫然後量全而勢亦全。則所稱帝王以天下爲一家者。是已上古公天下。中古家天下。以天下爲家者。其致治在公私之間乎。顧天爲民而立之君。非眞以爲

廬也。三代以後，苟能守九州，如守宮庭，而垣墉丹雘之俾子孫世世勿有害，亦天之所許也。奚啻其公之也。是故天下者萬斛之舟，帝王其載之者也。天下者三十六輻之車，帝王其乘之者也。帝者諦也。審諦萬物而不誤也。王者往也。羣往焉之謂王也。繫天下于帝王，地從主人之義也。而後之人君，乃推而遠之，謂幼子童孫爲吾親，則以天下奉之，謂宦官宮妾爲吾暱，則以天下奉之，謂戚畹勳舊爲吾黨，則以天下奉之，謂敵國外患爲吾虞，則以天下奉之，謂宏農可問，南陽不可問，則又于天下之中橫分畛域，而以天下奉天下焉。以天下奉所親，所暱，所黨，所虞者，冠讎天下者也。以天

下○奉○天○下○者○門○戶○天○下○者○也○寇○讎○者○可○以○亡○門○戶○者○可○以○亂○其○始○
也○欲○毀○天○下○之○家○以○成○君○之○家○而○其○究○也○天○下○之○家○毀○而○君○之○家○
亦○不○得○成○是○不○足○爲○之○寒○心○乎○哉○聖○王○知○其○然○謂○天○下○之○耕○者○皆○
吾○奴○也○謂○天○下○之○織○者○皆○吾○婢○也○謂○天○下○之○名○山○大○川○皆○吾○几○案○
間○物○也○謂○天○下○之○鰥○寡○孤○獨○而○無○告○者○皆○吾○榻○側○聲○也○謂○天○下○之○
一○鍼○一○刀○一○鎛○一○耜○皆○吾○梧○捲○也○謂○天○下○之○百○塵○一○乘○皆○吾○神○倉○
也○謂○天○下○之○潢○池○弄○雀○荷○伏○者○皆○吾○檻○牛○之○鬪○而○牢○豕○之○驚○也○謂○
天○下○之○纍○纍○若○若○者○皆○吾○家○相○吾○爨○下○走○也○如○是○故○謀○天○下○如○謀○
其○婦○子○委○曲○詳○盡○而○未○嘗○漏○一○天○下○于○吾○心○也○如○是○故○謀○天○下○如○

謀其婦子質直坦夷而未嘗著一天下于吾心也當其時無所取于天下而王者未嘗無財無所震盪于天下而王者未嘗無權無所同異厚薄于天下而王者未嘗無制防蓋一心一德家人之道之所感也且天下亦何負于王者哉周之盛也上願其下曰駿發爾私終三十里下願其上曰雨我公田遂及我私夫止念其地產下卽貢其靈雨至性如是也王者以天下爲家則天下亦以王者爲家譬之作室然聚萬人而鼓之茅者茅絢者絢築者築塗者塗而主人已下莞上簟于有覺之庭矣豈非古之所云君子萬年保其家室者哉抑聞之論弓矢者矣楚人失楚人得以爲善矣而未

大也。去其楚而可矣。人得人失以爲大矣。而未至也。去其人而可矣。由此觀之人君誠引天下爲一身而深思民胞物與之義也。亦並去其一家之名而可哉。

平實之理而以雋永之筆出之可謂言語妙天下矣。後繳轉一層復勘進一層尤緊。

○題江夏孫何知一家殉難狀

君子生亂世其勿重言死哉。宋靖康之變。金人謂遼國亡。死義者十數。南朝惟李侍郎一人。然則若水可謂賢矣。呂中曰。若水嘗主平駕出汴者也。若其不死。亦在誤國之類。上皇聞邦。昌僭號曰邦。昌若以節死。則社稷增重。今既尸吾之位。則吾事決矣。夫若水謀事之失。視范瓊不大相遠也。邦昌敗亂之罪。視王黼尙有間也。而一死則贖萬罪。而有餘。一不死則流操莽而無不足。嗚呼。君子可重言死哉。國家自靖難後。禮義廉恥之氣。蓋亦稍傷。凌夷至今。封疆之臣。遂無死理。會逆獻昭。楚江夏有孫何知先生者。殉難尤烈。

其壻某以狀示予。予不忍讀。先生以邑令退老。子若孫未縮寸組。非有土地甲兵之責。特以義不戴天。延頸就戮者四代。自豎儒論之。必謂不在其位。不當死。不則謂不當令衆子孫死。不則謂好名而死。不則謂無可奈何而死。夫死亦慘矣。而反得數者之疑死。固不可爲哉。予則以爲先生之死。先生一家之死。皆適得其死。而無足異也。四郊多壘。卿大夫之辱。豈辱止于卿大夫哉。蓋古者卿大夫以名節爲己任。故君子多責備之詞。而位卑身隱者不與焉。今辱亦至矣。園陵蒙塵。辱在國體。黎民懷寇。辱在國本。武夫挾外援。而要君。文吏挾內援。而固位。辱在國法。卿大夫不引以爲辱。惟獨

行○君○子○慨○然○赴○義○足○以○愧○之○先○生○不○死○則○與○卿○大○夫○為○類○與○卿○大○
夫○為○類○則○與○亂○賊○為○類○嗚○呼○亂○賊○可○為○乎○先○生○不○為○亂○賊○則○雖○退○
老○之○邑○令○焉○而○死○先○生○不○忍○子○孫○為○亂○賊○則○雖○襁○褓○之○弱○息○焉○而○
亦○死○故○予○以○為○先○生○之○死○先○生○一○家○之○死○皆○適○得○其○死○而○無○足○異○
也○嗚○呼○人○生○幾○何○哉○彼○其○之○子○誨○盜○喪○師○致○先○生○之○死○而○不○與○其○
死○者○死○歟○否○歟○墮○名○城○殺○豪○傑○死○先○生○以○及○其○子○若○孫○者○死○歟○否○
歟○與○先○生○同○志○而○不○必○死○于○賊○或○身○死○而○子○若○孫○不○必○如○先○生○之○
慘○者○其○身○與○子○孫○終○死○歟○否○歟○夫○既○皆○有○死○矣○乃○其○死○也○其○得○正○
而○斃○如○先○生○其○子○若○孫○亦○如○先○生○之○子○若○孫○之○死○歟○否○歟○

○蛇○破○波○擊○令○人○自○思

批剝曲盡結處層層喚醒尤過于清夜鐘聲

亭林文稿文錄引

顧亭林先生一代奇人其學博而精其志堅而確其才可以有爲於天下而其所著之書則欲爲法於後王詩古文詞不屑措意者也其與人書有曰凡文之不關於六經之旨當時之務者一切不爲又曰韓文公文起八代之衰若但作原道原毀爭臣論平淮西碑張中丞傳後序諸篇而一切銘狀盡謝絕則誠近代之泰山北斗矣今猶未敢許也可以想見生平之自命矣然其學旣博且精則其於理無不熟其志旣堅而確則其於力無不果其才旣足有爲於天下則必不爲無用之空言其書旣欲爲法於後王則其溢

於文者必皆可傳而可誦而又運以深心行以大力振以高格出以簡裁有王介甫之老健而去其橫有蘇子瞻之暢達而無其蕩卽以文論當時以旗鼓自雄者亦未能或之先也今錄其尤者爲二卷雖多寥寥短篇實勝他家之洋洋大幅蓋辨學術正人心定經制明出處言立而德與功皆具書札間用駢儷格尤古云上高李祖陶